



## 長豆仔

吾屋腎空跡，種有幾頭長豆仔（有人安佢菜豆仔），這下還當有好摘，無想著點幾粒仁、種幾頭仔，就做得食兩三隻月！講起自家會種長豆仔，係因爭自家好種兜仔菜，在菜園肚種菜、淋菜，就像吾个休閒活動；看佢大、看佢靚，吾个心情乜踎等靚起來；收成、煮食自家種个、無打藥仔个菜，對佢來講，比著著（cog do`）麼个大獎還較歡喜；一屋家三儕人，係種有食毋去个，還做得送分無種菜个隔壁鄰舍、親戚朋友，分享收成个歡喜，這種快樂，實在分佢暢到無話講！

清明邊仔種个長豆仔，這一駁仔當出，當多地方个耕種人就有種、有生產。農家人收成後，有兜會現煮來食，長長个豆仔斷（don`）一截一截四、五公分，放入煮滾个燒水加鹽焗過，長豆个本味黏邊衝啊出來，佢還保留原旦青青个色調，鼻起來、看起來實在錫人食！係講愛食較鹹、較重个味緒，再蘸蒜頭豆油，就係一品好料理！當然，長豆仔洗淨，拿來炒蒜頭米，乜係利便又簡單个料理方法！

係講長豆仔收成多到食毋去，就做得拿來做豆干。有一擺看阿姆做豆干，佢先將摘轉來个長豆仔用淨水洗淨來，等大鑊頭个水滾，就膠豆仔放入去煮，煮到水同豆仔共下拋拋滾，加入適量个鹽，等豆仔焗熟，就做得舀起來，放到毛簾裡肚分佢涼，晾在天時坪，在日頭下晒幾晝邊仔，等佢燥水、變干，就做得同一條一條个長豆干，剪到一截一截仔，差毋多五、六公分長，再裝入袋仔裡肚，在陰涼燥爽个所在保存！

家鄉个農會，就有輔導農民種長豆仔，等農民收成，農會收來做豆干，佢兜同佢安到「長缸豆干」。講著豆干，這，毋係農會發明个新名詞、乜毋係開發个新產品，早在佢還細時節，就識聽過「豆干」這個名詞，乜識食過豆干排骨湯！農會收購現摘个長豆仔，聽講一斤十箍，加工做好个豆干，賣出去个價數係一斤三百個銀，係長豆仔个三十倍，這實在係一項當好賺个頭路，佢仔毋著愛講：「農會會賺死，耕種人會做死！」

講轉佢種个幾頭仔長豆仔，無法度一擺就摘有晒干个量，係講累積幾日仔正來做豆干，又驚豆仔毋罈萎，故所自家一直無做豆干，愛講「生食就毋罈」也做得啦！係講明年種較多兜仔長豆仔，定著愛來親手做一擺豆干，分朋友鼻香看啊！

作者：邱一帆

### ☆詞彙學習☆

【點】diam：以點播的方式播種。

【十箍】siib kieu`：十塊錢。

【當出】dong` cud`：盛產。

【價數】ga sii：價錢。

【一品】id` pin`：一道。

【毋罈萎】m` la qi`：不夠新鮮。

【拋拋滾】pau` pau` gun`：熱氣蒸騰。

### ☆文法學習☆

【識……乜識……】曾（經）……也曾（經）……。

例1：佢識坐火車去臺北，乜識坐客運去臺北。（他曾經坐火車去臺北，也曾搭客運去臺北。）

例2：阿姆識炒長豆仔，乜識煮豆干排骨湯分佢食。（媽媽曾炒長缸豆干，也曾煮豆干排骨湯給我吃。）